

- u Axillaris iuxta interius humeri tuberculum bipartitionis posterior uena, quae plures easdemq; uarias a se soboles diffundit.
- x, x Posterioris uenae u notatae ramus, qui sub ulna deorsum ad brachiale porrigitur, & passim in conterminam ipsi cutem digestus sobolem offert humerariae ramo brachiale iuxta minimum digiti tum conscendenti.
- y Vena in posterioris articuli cubiti sedis cutem excurrrens.
- z, z Notatur multiplex uenarum series, in interioris cubiti sedis cutem diffusa, & dein in interioris summae manus sedis cutem excurrrens. Verum superius z uenam notat ab axillaris uenae ramo t insignito principium ducentem. Inferius autem z indicat propagines, quas axillaris uenae ramus x & x insignitus internae cubiti regioni offert.
- β Venularum Veneris monticulum implicantium cum ramo d notando coitus. est namque ramus is propago illarum uenarum, quae externam manus summae sedem inter pollicem & indicem perreptant.
- α Vena communis ab axillaris ramo t & humerariae ramo h conflata, quae per internam cubiti sedem deorsum oblique radium conscendens exporrigitur, ac tandem radium supergressa in anteriorem cubiti sedem propter inferiorem ipsius regionem excurrit, ramulos quosdam in progressu ad proximam ipsi cutem dispergens.
- β Communis uenae iuxta radij humiliorum partem, qua brachiale respicit, diuisio, γ aut Y aut Δ non absimilis: cuius quidem alterum crus γ insignitum, externam summae manus sedem pollicis ac indici subiectam, ipsumq; pollicem & indicem accedit, & ramulum d indicatum in internam manus sedem digerit. Alterum autem crus ε insignitum, uersus medium & anulare potissimum absinitur. Ramis externam summae manus sedem aduentibus uaria a nostris medicis imponuntur nomina, quae quum inter se admodum pugnent, & passim sint obuia, aliquid de ipsis iam dicendum arbitror: hinc characterum indicem lubentius barbaris nominibus occupaturus, quam orationi, qua has uenas describam seriem. Graeci igitur & Latiniore medici in uniuersa manu paucas uenas proprijs nominibus appellarunt. Venam namque per brachij interiora alamq; excurrentem in utroque brachio, quia axillam seu alam perreptat, axillarem uocauerunt: quemadmodum & cubiti interiorem, quod scilicet per cubiti interiora potissimum exporrigitur. Verum priuatim dextrae manus axillarem iecorariam uocarunt, quod in iecoris affectibus illam diuidere soleant. Sinistreae autem manus axillaris lienaria ipsi dicitur, quod in lienis morbis hanc plerumque aperiant. Sic rursus quida seu humeralis a insignita, simpliciter suum nomen obtinuit, quod per humerum in manum feratur: etiam cubiti exterior nuncupata, quoniam cubiti exterius latus perreptat. Hippocrates in libris de Articulis hanc uidetur crassam uenam nuncupasse. Quia uero capitis morbis haec mederi creditur, etiam capitis uena est dicta. Ramos uero h & t notatos & uenam communem, quam α notauimus constituentes, medias uenas nuncuparunt, quod scilicet ad flexus cubiti medium ducerentur, aut quod inter cubiti anteriorem uenam & interiorem essent mediae. Ab obliquo autem ipsorum ductu obliquas quoque illas uocarunt. Communem quae α insignitur nuncuparunt, quae ab illis ramis h & t notatis consurgit, atque interiori & exteriori cubiti uenis communis est. Praeter haec nomina uix alia apud illos reperias. At si Arabum libros uerfes, nominum acerui passim occurrent eidem uenae uix unquam accommodatorum. Quo autem aliquid certius de his quoq; depromam, studioforum nomine qui me his nominibus in Anatome remorari solent, non grauabor Auicennae interpretis nomina hic recensere, quae Fen prima libri primi doctrina quinta Capite quarto leguntur. In quo Capite Auicenna ex proposito manus uenas describit, earum seriem a Galeni libro tertio de Administrandis sectionibus, aut potius ab Oribasio petens. Auicenna igitur, aut ipsius interpres, Spatularem uocat humerariae partem a iugulari externa ad eam usque sedem ductam, qua humeraria brachij cutem primum subit, quae pars duobus a in nostra delineatione complectitur. Quae autem humeralis brachio exporrigitur, illam Cephalicam quasi capitis uenam nuncupat. Haec inter inferius a & f continetur. Tertium humerariae ramum, quem i insigniuimus, Funem brachij appellat. Axillaris ipsi Ascellaris dicitur. Communis uero α notata, Nigra: ubi autem haec oblique ad radium contendit, Basilica ipsi uocatur. Al-

terius

- terius communis uenae cruris, illius nimirum diuisionis quam γ aut Y asimilauimus, sub anulari & indice porrectus, Syelen Auicennae appellatur. Verum alia subinde apud Arabes & barbaros illam Syelem uocari obseruabis, quae iuxta brachiale ab humerariae ramo i notato, & axillaris uenae propagine x insignita constituitur, & lnotatur, cui eadem quae axillari medicorum uulgus nomina imponit, hanc quoq; Saluatellam & Salubrem uocans. Quamquam rursus communis uenae ramum γ notatum uersus pollicis & indicis regionem exporrectum, alij saluatellam uocent, huic eadem quae humerariae nomina largientes. Ad haec, axillaris medicis potissimum Basilica, interdum & Nigra, aliquando & Funis brachij nuncupatur. Humeraria etiam ocularis & auris, quod scilicet earum partium inflammationibus medeatur. Nisi forte horum nominum impositores adeo stulti fuerint, ut cum Aristotele & illis qui hodie uenas a me recte antea pictas turpiter in lucem suo nomine emisserunt, arbitrati sint humariae ortum sub aure primum esse. Caeterum communis uena Media, Mediana & Corporalis uulgo dicitur.
- β VENA E cauae portio, qua inferioribus corporis partibus nutrimentum administratur.
- u Vena in pinguem membranamq; sinistri renis tunicam, conterminasq; sedes excurrrens.
- θ Grandis uena ad dextrum renem exporrecta.
- i Grandis uena sinistram renem petens. haec, uti & dextra, quod serosum sanguinem ad renes deferret, serosusq; humor quodammodo ab ipsa emulgetur, Emulgens uulgo nuncupatur.
- κ Propago a uena in dextrum renem deducta, in pinguem renis dextri tunicam excurrrens.
- λ, λ Seminalis uena sinistra. μ, μ Seminalis uena dextra. Haec uenae in progressu peritonaeo cui ad dorsum firmantur, haerentq; surculos communicant, & ramulos membranis testem uasq; scemaria ambientibus diffundunt.
- ν Seminalium uenarum sedes, qua haec primum implicari, ac uaricum modo conuolui incipiunt.
- ξ Venae geniculatim a caua in dorsalem medullam, quae lumborum uertebis continetur, ac denum ad ipsas lumborum uertebas, ipsiq; accumbentes musculos & peritonaeum digestae.
- ο Venae cauae supra osis sacri initium in duos trunco distributio, Δ aut inuerso γ aut V nō absimilis.
- ω Ramus utcumq; amplius, transuersim in peritonaeum & lumborum carnes, abdominisq; musculos distribuitus.
- φ Ramuli aliquot in superiora osis sacri foramina misti.
- ρ, s Sinistri trunci magnae illius super os sacrum bipartitionis in duos ramos distributio, quorum interior ρ notatur, exterior ε.
- τ, τ Interioris rami, quem ρ notauimus, exterior propago, in musculos exteriorē ilium osis sedem occupantes, & in clunium cutem conterminasq; partes frequenti ramorum serie transuersim digesta.
- υ Interioris rami ρ insigniti interior propago, atq; eius propaginis rami humilioribus sacri osis foraminibus distributi. x uero & x reliquas interioris huius propaginis soboles, uti hac parua tabella eas delineare datum est, exprimunt. Porriguntur autem illae ad ani musculos, uescicae fundum, & ceruicem: mulieribus etiam ad humiliorē fundi uteri sedem, ipsumq; adeo uteri collum.
- α Vena ab exteriori ramo, quem ε indicatum conspicias, deprompta, atq; cum reliquo interioris rami ρ notati coiens, quae id pubis osis foramen perreptat.
- α Haec sede uena pubis osis foramen permeans, praeter alios ipsius surculos uenulam in coxendicis acetabulum porrigit, hicq; in istius regionis musculos disseminatur.
- κ Vnus ex ramis uenae pubis osis foramen transeuntis notatur, qui cutem ad internam femoris sedem inibi subit.
- χ Congressus dictae nuper uenae, cum ramo magnae in crus distributae uenae perficitur, quem z notauimus.
- Γ Vena ab elatiori sede exterioris magnae illius trunci rami, quae is peritonaeum perforat, principium ducens, quae peritonaeo et abdominis musculis cutiq; ramos offert, inter caeteros autem praecipuus sub recto abdominis musculo sursum conscendit, & supra umbilici regionem in aliquot distinctus surculos, eas respicit soboles, quae huc a uena sub pectoris osse deducta pertingunt, ea uide licet sede cui M ascriptum cernis.
- Δ Propago uenae in crus tendentis, quae transuersim ad genitalia conterminasq; sedes in surculos exhauritur.